

nio del Consejo de' Pregadi et per eletion de questo Consejo, far si dovessero per eletion solamente, et in tal magistrati forono nominati et inclusi i Avogadori nostri de comun, officio primario de la terra nostra et più importante de tuti li altri, per el che li progenitori nostri lo hanno sempre tenuto in ogni possibile reputatione, con ogni mezzo provvedendo che potessero esser tolti de li principali cittadini nostri, et che li rimasti havessero causa de entrar et exercitar l'oficio suo intrepidamente et con ogni studio, per castigation di transgresori et delinquenti, a bon exemplo di boni et per inviolabile observantia de le leze nostre: al qual effeto, essendo *etiam* al presente da invigilar et drezar li pensieri nostri quanto mai sia stà in alcun tempo preterito,

L'anderà parte: che *de cætero* li Avogadori de comun elezer se debino per scurtinio del Consejo de' Pregadi et per 4 man de eletion de questo Consejo, et siano per mesi 16 come prima star se sollevano, et sia azonto che, sicome possono esser electi a tuti li rezimenti, el medesimo se intendi de la consigliaria de Venetia, la qual, per leze nostre, si ha per rezimento.

Habino auctorità i Avogadori de comun, si presenti come futuri, per la mazor parte retenir quelli i haverano per colpevoli per zorni tre solamente senza alcun Consejo, nei qual siano tenuti soto debito de sacramento andar ai Consigli et exercitar l'oficio suo secondo la forma de le leze.

Insuper, sia preso: che sicome per la parte presa in questo Consejo de l'anno 1493 de di 15 Zugno, i Avogadori dieno haver et hanno un terzo integro de tute condanation pecuniarie fate per el loro placitar, cussì in *futurum* haver debano la mità, con tuti i modi et condition de essa parte del 1493, exceptuadi li danari che sarano applicati a li offesi per mendo et recompensò del danno seguito.

Habino li detti Avogadori de salario ducati 200 a l'anno per uno et a rason de anno, da esserli pagati dei danari de la parte dei contrabandi che sarano expediti per quel officio spetante a la Signoria nostra; pagati però prima de tuto el corpo di contrabandi li soi dreti dati, et *similiter* dei danari de le condanason, de quella zoè portion che tocava a la Signoria nostra.

Non sia più, da hora inanti, l'oficio de l'Avogaria de comun tenuto pagar per li salarii et utilità sue 30 et 40 per 100, nè mità del neto, nè alcuna altra graveza, si imposta come se imponesse, de qualun-

que qualità et condition esser si voglia; el qual officio, ancora che le parte poste et che se ponerano comprendesseno tutti *nemine excepto*, se intendi niente de manco sempre exceptuado; et quando ben el fusse in alcuna graveza, o per via de suspension de la presente parte, compreso, o per via de expressa denomination incluso *signanter*, quella graveza sia pagata de' danari de la Signoria nostra. *Cæterum* sia ordinato et azonto a tute leze et ordeni che parlano sopra de zìò, che i Avogadori de comun non possino expedir alcun contrabando che excieda la valuta de ducati 100 senza i Consigli, se per leze expressa li fusse concesso et imposto de poterle far, ma siano tenuti expedir *cum* li Consigli tal contrabandi excedenti la summa de ducati 100, juxta la forma de le leze et ordeni nostri. 121 *

Demum sia preso, dechiarito et *firmiter* statuito: che sicome al presente cadaun Avogador puol suspender le cause per uno mese; dal che è introduta corutela che, per quelli non voleno veder il fine de le cause, vien tolta la suspension ad uno ad uno di Avogadori, in modo che tale suspensione et *plurimum* vien ad esser per mesi tre; per tanto in *futurum* i Avogadori non possino per sè *sine Consilio* suspender alcuna causa de questa nostra cità nisi per zorni 15; da tera ferma *autem* et dal Quarner in qua per mese uno; intra el Golpho per mesi tre et fuor del golpho per mesi sei, et fata una suspension per uno Avogador o più, non possi esser fata in quella instessa causa altra suspension senza i Consigli, *ita* che in una causa non possi esser fatta salvo che una suspension *tantum* per uno o più di Avogadori senza el Consiglio, come è dicto.

Tute veramente altre leze et ordeni presi per avanti, si circa le preeminentie, prerogative et jurisdiction di Avogadori nostri de comun, come circa la forma de le election loro, se intendono firme, valide et reservate, *dummodo* non repugnino a la deliberation presente; la qual in alcuna parte non possi esser revocata, suspesa, alterata nè altramente dechiarata, nè se possi *aliquo modo* meter in contrario, nisi per 6 Consieri et 3 capi de XL, sotto pena de ducati 1000 d'oro da esser scossa per li Avogadori de comun, et cadauno de loro, senza altro Consejo, da cadauno che metesse o consentisse in contrario; *tamen* la parte non se intendi presa se la non haverà i cinque sestì de questo Consejo congregato da 1200 in suso, et ogni cosa che fusse messa o presa contra el presente ordine, se intendi esser de niun valor come se la non fusse stà messa.